



Broj: 03-07-6-734-2/26

Datum: 06. 05. 2026. godine

## NEZAVISNIM KANDIDATIMA

**PREDMET:** Poziv za učešće na edukaciji „Finansijsko izvještavanje nezavisnih kandidata“

Ovim putem vas obavještavamo da će Služba za reviziju finansiranja političkih stranaka, u skladu sa Zaključkom Centralne izborne komisije Bosne i Hercegovine broj: 03-07-6-734-1/26 od 06. 05. 2026. godine, održati edukaciju za nezavisne kandidate koji učestvuju na Općim izborima 2026. godine i ovlaštenih lica koja su odgovorna za podnošenje finansijskih izvještaja nezavisnih kandidata i koja su ovlaštena da kontaktiraju sa Centralnom izbornom komisijom Bosne i Hercegovine.

**Edukacija će se održati 13. 05. 2026. godine (srijeda) putem Zoom aplikacije, sa početkom u 11 časova.**

U skladu sa odredbama člana 15.1a stav (1) Izbornog zakona Bosne i Hercegovine („Službeni glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 12. stav (3) i člana 18. Zakona o finansiranju političkih stranaka („Službeni glasnik BiH“ broj 95/12 i 41/16) i člana 3. stav (1) Pravilnika o predizbornim i postizbornim finansijskim izvještajima i izvještajima o prometu posebnog računa za finansiranje izborne kampanje nezavisnih kandidata, broj: 05-1-02-2-714-1/26 od 06.05.2026. godine, svi nezavisni kandidati koji učestvuju na Općim izborima 2026. godine, imaju obavezu da Centralnoj izornoj komisiji Bosne i Hercegovine (u daljem tekstu: Centralna izborna komisija BiH) podnesu finansijske izvještaje (predizborni finansijski izvještaj, postizborni finansijski izvještaj i izvještaj o prometu posebnog računa za finansiranje troškova izborne kampanje).

Centralna izborna komisija BiH je razvila novu aplikaciju za podnošenje finansijskih izvještaja i usvojila Pravilnik o predizbornim i postizbornim finansijskim izvještajima i izvještajima o prometu posebnog računa za finansiranje izborne kampanje nezavisnih kandidata, čime je izmijenjen način izvještavanja i sadržaj obrazaca finansijskih izvještaja.

S tim u vezi, cilj edukacije je da nezavisnim kandidatima, odnosno osobama ovlaštenim za podnošenje finansijskih izvještaja omogući sticanje znanja o novoj aplikaciji za podnošenje finansijskih izvještaja, načinu registracije korisnika u aplikaciju, te rokovima, sadržaju i načinu podnošenja finansijskih izvještaja.

Ističemo da je odredbom člana 15.3 stav (3) Izbornog zakona Bosne i Hercegovine propisano da lica koja su odgovorna za podnošenje finansijskih izvještaja nezavisnih kandidata u skladu sa Izbornim zakonom Bosne i Hercegovine i Zakonom o finansiranju političkih stranaka, te za komunikaciju s Centralnom izbornom komisijom BiH, imaju obavezu da se kontinuirano edukuju u skladu s planom i programom edukacije koji donosi Centralna izborna komisija BiH.

Predavači na edukaciji će biti zaposleni u Službi za reviziju finansiranja političkih stranaka: Rijad Selmanović, šef Odsjeka za predrevizijske i administrativne poslove, Tanja Golijanin, revizor u Odsjeku za revizijske poslove i Sanja Tošović, šef Službe za reviziju finansiranja političkih stranaka.

Dnevni red edukacije nalazi se u prilogu.

Molimo vas da vaše prisustvo na edukaciji potvrdite najkasnije do 12.05.2026. godine, na e-mail: velida.boskovic@izbori.ba ili rijad.selmanovic@izbori.ba

S poštovanjem,

Dostaviti:

- Naslovu
- a/a



